

TARIFA O NAGRADAMA I NAKNADI TROŠKOVA ZA RAD ADVOKATA REPUBLIKE SRPSKE
("Službeni glasnik Republike Srpske", br. 111/2024)

Član 1

Tarifom o nagradama i naknadi troškova za rad advokata (u daljem tekstu: Tarifa) određuju se visina nagrade koja pripada advokatu za rad u izvršavanju djelatnosti advokata i visina naknade troškova u vezi sa tim radom, ukoliko pismenim ugovorom između advokata i njegovog klijenta nije ugovoreno drugačije.

Član 2

Advokatu pripada nagrada za izvršeni rad:

Tarifni broj 1.

KRIVIČNI POSTUPAK

(1) Za sastavljanje podnesaka:

inicijalnog podneska, prijedloga za odlaganje izvršenja kazne, za uslovni otpust, brisanje osude, rehabilitaciju i molbe

80 bodova

obrazloženog odštetnog zahtjeva

50% od nagrade iz Tar. br. 2.

podnesaka u prethodnom postupku, nakon potvrde optužnice i u toku glavnog pretresa

50% od nagrade iz st. 2. ovog Tar. br.

prigovora protiv optužnice

75% od nagrade iz st. 2. ovog Tar. br.

(2) Za odbranu optuženog (fizičko ili pravno lice) i maloljetnika i zastupanje oštećenog kao tužioca na ročištu ili pretresu:

pred sudijom pojedincem osnovnog suda

100 bodova

pred vijećem osnovnog suda

200 bodova

pred okružnim sudom

300 bodova

pred Vijećem Vrhovnog suda i Suda BiH

400 bodova

(3) Za odbranu (pristup) optuženog (fizičko ili pravno lice) i maloljetnika i zastupanje (pristup) oštećenog kao tužioca na neodržanom ročištu ili pretresu advokatu pripada 50% nagrade iz stava 2. ovog tarifnog broja.

(4) Za sastavljanje žalbe protiv presude, zahtjeva za zaštitu zakonitosti, prijedloga za ponavljanje postupka, žalbe protiv rješenja o odbijanju prijedloga za ponavljanje postupka advokatu pripada nagrada, kao i za odbranu, odnosno zastupanje po stavu 2. ovog tarifnog broja uvećana za 50%.

(5) Za sastavljanje odgovora na žalbu protiv presude advokatu pripada nagrada, kao i za odbranu, odnosno zastupanje po stavu 2. ovog tarifnog broja.

(6) Za sastavljanje žalbe protiv rješenja, osim rješenja iz stava 4. ovog tarifnog broja, kao i odgovora na žalbu protiv rješenja advokatu pripada nagrada, kao i za odbranu, odnosno zastupanje po stavu 2. ovog tarifnog broja.

(7) Za učešće advokata u istrazi, pregovorima sa tužiocem o krivici osumnjičenog i u izjašnjavanju o krivici advokatu pripada nagrada, kao i za odbranu, odnosno zastupanje po stavu 2. ovog tarifnog broja.

Tarifni broj 2.

OSTALI POSTUPCI (u procjenjivim stvarima)

(1) Za sastavljanje inicijalnog i obrazloženog podneska i zastupanje na održanom ročištu ili raspravi u svim postupcima, pred sudom ili drugim organom, u procjenjivim stvarima, zavisno od vrijednosti predmeta spora u konkretnom postupku, advokatu pripada nagrada:

Vrijednost spora

Pripadajući bodovi

od 1,00 KM do 5.000,00 KM

80 bodova

od 5.001,00 KM do 10.000,00 KM

160 bodova

od 10.001,00 KM do 20.000,00 KM

240 bodova

od 20.001,00 KM do 50.000,00 KM

300 bodova

od 50.001,00 KM do 100.000,00 KM

350 bodova

preko 100.000,00 KM

350 bodova + 2 boda za svakih započelih 1.000,00 KM preko 100.000,00 KM, ali ne više od 1.000 bodova

Za zastupanje (pristup) na neodržanoj raspravi i ročištu, u svim postupcima, pred sudovima i drugim organima, u procjenjivim stvarima, zavisno od vrijednosti predmeta spora u konkretnom postupku, advokatu pripada 50% nagrade iz stava 1. ovog tarifnog broja.

(3) Za sastavljanje pravnog lijeka i zastupanje na održanom ročištu i raspravi po pravnom lijeku, u svim postupcima, pred sudovima i drugim organima, u procjenjivim stvarima, zavisno od vrijednosti predmeta spora u konkretnom postupku, advokatu pripada nagrada iz stava 1. ovog tarifnog broja uvećana za 50%.

(4) Za sastavljanje odgovora na pravni lijek, u svim postupcima, pred sudovima i drugim organima, u procjenjivim stvarima, zavisno od vrijednosti predmeta spora u konkretnom

postupku, advokatu pripada 50% nagrade iz stava 1. ovog tarifnog broja.

Tarifni broj 3.

OSTALI POSTUPCI (u neprocjenjivim predmetima)

(1) Za sastavljanje inicijalnog i obrazloženog podneska i zastupanje na održanom ročištu ili raspravi u svim postupcima, pred sudom ili drugim organom u neprocjenjivim stvarima, advokatu pripada nagrada kako slijedi:

U sporovima zbog smetanja posjeda, o pravu službenosti, o drugim stvarnim pravima, iz radnih odnosa, stambenog odnosa, kao i autorskih i drugih srodnih prava

100 bodova

U sporovima o razvodu i poništenju braka, o zakonskom izdržavanju, o smještaju maloljetne djece, o osporavanju i utvrđivanju očinstva i materinstva i drugim srodnim predmetima

120 bodova

U postupcima pred sudom časti, izabranim sudom, arbitražom ili drugim organom

200 bodova

U postupcima upisa u sudski ili drugi registar

250 bodova

U sporovima povodom upisa u sudski ili drugi registar

300 bodova

U postupcima pred ustavnim sudom i postupku za zaštitu osnovnih ljudskih prava i sloboda

400 bodova

U upravnom postupku

150 bodova

U upravnom sporu

300 bodova

U postupcima prekršaja u privrednom poslovanju

300 bodova

U prekršajnom postupku

100 bodova

U postupku kod poslodavca

150 bodova

U svim drugim ovim tarifnim brojem neimenovanim postupcima

150 bodova

(2) Za zastupanje (pristup) na neodržanoj raspravi i ročištu, u svim postupcima, pred sudovima i drugim organima, u neprocjenjivim stvarima, zavisno od vrijednosti predmeta spora u konkretnom postupku, advokatu pripada 50% nagrade iz stava 1. ovog tarifnog broja.

(3) Za sastavljanje pravnog lijeka, odgovora na pravni lijek i zastupanje na održanom ročištu i raspravi po pravnom lijeku, u svim postupcima, pred sudovima i drugim organima, advokatu pripada nagrada iz stava 1. ovog tarifnog broja uvećana za 50%.

(4) U svim sporovima ili postupcima iz stava 1. ovog tarifnog broja u kojima je određena ili određiva vrijednost potraživanja ili interesa zastupanog lica advokatu pripada nagrada za zastupanje iz Tarifnog broja 2.

Tarifni broj 4.

SASTAVLJANJE ISPRAVA

Za sastavljanje ugovora, izjave volje i druge isprave advokatu pripada nagrada prema Tarifnom broju 2. i Tarifnom broju 3.

Tarifni broj 5.

PRAVNI SAVJETI I MIŠLJENJA

Usmeni pravni savjet i mišljenje

10 bodova

Pismeni pravni savjet i pismeno pravno mišljenje sa činjeničnim i pravnim obrazloženjem

50% od nagrade prema Tar. br. 2. i Tar. br. 3, zavisno od vrste zahtijevanog postupanja

Advokatu ne pripada posebna nagrada za pravno uputstvo, savjet i mišljenje radi pokretanja postupka i za vrijeme trajanja postupka ukoliko advokat te poslove izvršava kao punomoćnik ili branilac u tim postupcima.

Tarifni broj 6.

UČESTVOVANJE NA KONFERENCIJAMA

Za učestvovanje na konferenciji i sastanku na kojem se raspravlja o činjeničnim i pravnim pitanjima u poslu klijenta advokatu pripada nagrada po Tarifnom broju 2. ili Tarifnom broju 3, zavisno od pravnog pitanja o kojem se raspravlja.

Tarifni broj 7.

RAZMATRANJE SPISA, PROVJERA PRAVOSNAŽNOSTI I IZVRŠNOSTI, PRIBAVLJANJE ISPRAVA ZA STRANKU

Uvid u spis, javnu knjigu i registar i pribavljanje izvoda iz javne knjige i registra

30 bodova

Provjera ili pribavljanje klauzule pravosnažnosti ili izvršnosti

30 bodova

Tarifni broj 8.

DOPISI I OPOMENE

Sastav obavještenja i uputstva klijentu, zamjeniku i drugim učesnicima u pravnom poslu klijenta

30 bodova

Sastav opomene protivnoj stranci da plati određeni iznos, ispuni neku obavezu ili činidbu 50% od nagrade po Tar. br. 2 ili Tar. br. 3, zavisno od vrste zahtijevanog postupanja

Tarifni broj 9.

NAGRADA ZA VRIJEME

Za svaki započeti sat odsustva iz kancelarije zbog učestvovanja u istrazi, radnji dokazivanja, pregovaranja, prisustva na ročištu, pretresu ili raspravi po 30 bodova.

Tarifni broj 10.

ODBRANA ILI ZASTUPANJE VIŠE STRANAKA

(1) Kad advokat u istom postupku brani ili zastupa više klijenata, pripada mu pravo na povećanje nagrade iz odgovarajućeg tarifnog broja za drugog klijenta u visini od 50% i za svakog sljedećeg još za 25%, s tim da iznos povećane nagrade ne može biti veći od 100% od nagrade po odgovarajućem tarifnom broju.

(2) U postupku naplate i odlučivanja o naknadi troškova zastupanja iznos nagrade po stavu 1. ovog tarifnog broja dijeli se na jednake dijelove prema broju klijenata.

Tarifni broj 11.

POVEĆAVANJE ILI SMANJIVANJE TARIFNIH STAVKI

(1) Za posebno stručno i specijalističko znanje, koje zahtijeva obrađeni predmet, posebnu težinu predmeta ili posebnu odgovornost za obavljeni rad, nagrada iz odgovarajućeg tarifnog broja može se povećati do 100%.

(2) Posebna stručnost i specijalističko znanje priznaje se za rad u složenim sporovima i postupcima, ili u sačinjavanju posebnih vrsta ugovora, kada se radi o potrebi poznavanja ili proučavanja stranog prava ili pravne literature, proučavanje ili obrađivanje stručnih pitanja iz područja tehnike, hemije, tehnologije, prirodnih i fizičkih nauka, medicine, društvenih nauka, i sl.

(3) U jednostavnijim poslovima, uzimajući u obzir sve okolnosti obavljenog posla i koristi koje ima klijent, pripadajuća nagrada iz odgovarajućeg tarifnog broja može se smanjiti za 25%, ali ne u poslovima za koje je već po ovoj tarifi određena nagrada u visini od 50%.

Tarifni broj 12.

PAUŠALNA NAGRADA

Advokatu pripada paušalna nagrada u iznosu od 25% od iznosa nagrade određene ovom tarifom za radnju za koju su obavljene sporedne, prateće ili pripremne radnje (prikupljanje informacija, preglede spisa, predaja podnesaka sudu i pošti i sl. radnje), nezavisno od vrste postupka.

Član 3

(1) Advokat i klijent mogu ugovoriti pružanje pravne pomoći za svaki ili određene slučajeve, na određeno ili neodređeno vrijeme, i ugovoriti nagradu advokatu u paušalnom iznosu.

(2) Ugovor o pružanju pravne pomoći u paušalnom iznosu zaključuje se u pismenoj formi i mora sadržavati, između ostalog, opis poslova pravne pomoći, način plaćanja i uračunavanja ili neuračunavanja paušalne nagrade u obračunu i plaćanju nagrade i naknade troškova za rad advokata.

Član 4

(1) Advokat i klijent mogu ugovoriti visinu nagrade advokatu, kao i visinu troškova za rad i u vezi sa radom advokata.

(2) Ugovor iz stava 1. ovog člana se zaključuje u pismenoj formi.

(3) Ugovor iz stava 1. ovog člana je zaključen kada ga potpišu klijent i advokat.

(4) Ugovorom iz stava 1. ovog člana isključuje se primjena ove tarife u dijelu kojim je određena visina nagrade i naknade troškova za rad advokata.

Član 5

(1) Za pružanje pravne pomoći u Federaciji BiH, Distriktu Brčko, pred Sudom BiH i inostranstvu državljaninu Republike Srpske i Bosne i Hercegovine ili pravnom licu koje ima sjedište na teritoriji Republike Srpske, Distrikta Brčko i Bosne i Hercegovine advokat ima pravo izbora ili zahtijevati naknadu troškova i nagradu po ovoj tarifi ili po tarifi kojoj je određena nagrada i naknada za rad advokata u Federaciji BiH, odnosno po tarifi, odgovarajućem normativu, kojoj je određena nagrada i naknada za rad advokata u zemlji u kojoj je zastupao klijenta, i kad je zastupanje obavljeno pismenim putem.

(2) Visina nagrade za pruženu pravnu pomoć klijentu stranom državljaninu ili stranom pravnom licu može se pismeno ugovoriti mimo elemenata ove tarife.

(3) Ukoliko između advokata i klijenta iz stava 2. ovog člana nije pismeno ugovorena nagrada i naknada troškova za pružanje pravne pomoći, advokat može od klijenta zahtijevati nagradu ili naknadu troškova prema ovoj tarifi ili tarifi, odnosno odgovarajućem normativu, kojom je određena nagrada i naknada za rad advokata u zemlji koje je klijent državljanin, odnosno u zemlji u kojoj je sjedište pravnog lica - klijenta.

Član 6

U postupku naplate i priznavanja nagrade za rad advokata prema ovoj tarifi, kao i u postupku odlučivanja suda ili drugog organa o troškovima postupka na teret protivne strane, nagrada predviđena ovom tarifom uvećava se za iznos poreza na dodatu vrijednost (PDV), ako je advokat obveznik te vrste poreza.

Član 7

(1) Advokatu pripada naknada troškova za stvarne izdatke koji su bili potrebni za izvršenje povjerenih mu poslova.

(2) U troškove koji se imaju naknaditi po odredbama ove tarife, spadaju i izdaci za poštanske, telefonske, telefaks i bankarske usluge.

Član 8

Za obavljanje poslova izvan sjedišta advokatske kancelarije advokat ima pravo na naknadu troškova za prevoz, dnevnice, kao i za odsustvovanje iz kancelarije.

Član 9

(1) Advokat ima pravo na naknadu troškova prevoza u visini cijene putničke karte prevoznog sredstva po izboru advokata.

(2) Naknada iz prethodnog stava pripada advokatu u visini cijene prevoza za putovanje koje će najkraće trajati i najkraćim putem.

(3) Ukoliko je putovanje izvršeno noću, advokatu pripada pravo na naknadu troškova korišćenja kola za spavanje, odnosno kabine na brodu.

(4) Za upotrebu vlastitog automobila advokatu pripada naknada u visini od 30% cijene BM-95/98 za svaki pređeni kilometar puta.

Član 10

(1) Advokat ima pravo i na dnevnicu u visini od 100 bodova ako zbog izvršavanja poslova ostane na putu ili u mjestu u kojem mu nije sjedište kancelarije duže od 12 časova.

(2) Ukoliko advokat mora ostati na putu izvan sjedišta kancelarije u toku dana duže od 16 časova ili više dana, ima pravo i na naknadu troškova korišćenja hotelskog smještaja kategorije po svom izboru.

Član 11

(1) Odmjeravanje troškova na teret protivne strane u odgovarajućem postupku ne utiče na obračun nagrade i naknade troškova između advokata i klijenta za izvršeni rad i izdatke u vezi sa radom.

(2) Na zahtjev klijenta advokat je dužan sačiniti pismeni obračun nagrade za izvršeni rad, kao i troškova rada, i predložiti mu ovu tarifu, osim ako je nagrada i naknada troškova ugovorena.

(3) Advokat nema pravo od lica/klijenta tražiti nagradu za rad ako je aktom organa Advokatske komore Republike Srpske imenovan/postavljen za zastupnika, punomoćnika ili branioca tome licu/klijentu.

PRELAZNE I ZAVRŠNE ODREDBE

Član 12

(1) U odnosu sa klijentom advokat primjenjuje Tarifu i odluku o vrijednosti boda koje su na snazi u trenutku naplate advokatske nagrade, osim ako je nagrada i naknada troškova ugovorena.

(2) Advokat ima pravo od klijenta zahtijevati naknadu troškova za stvarne izdatke koji su nastali u obavljanju povjerenih mu poslova u iznosu prema računima uvećanim za zakonsku zateznu kamatu obračunatu od dana kada je izdatak učinjen do dana naplate.

Član 13

Kad sud ili drugi organ odlučuje o naknadi troškova zastupanja na teret protivne strane, pa i u slučaju spora između advokata i klijenta, primjenjuje Tarifu i odluku o vrijednosti boda koje su na snazi u vrijeme donošenja meritorne odluke.

Član 14

(1) Vrijednost boda utvrđuje Izvršni odbor Komore.

(2) Vrijednost boda iznosi 3,00 KM.

Član 15

Izvršni odbor Advokatske komore Republike Srpske daje objašnjenja i tumačenja ove tarife.

Član 16

Ova tarifa stupa na snagu osmog dana od dana objavljivanja u "Službenom glasniku Republike Srpske", a primjenjuje se od 1. januara 2025. godine.

Član 17

Danom stupanja na snagu ove tarife prestaje da važi Tarifa o nagradama i naknadi troškova za rad advokata ("Službeni glasnik Republike Srpske", broj 68/05).